

ATZERRIKO HIZKUNTZETARA ITZULTZEKO LAGINAK PROPOSATZEKO DEIALDIA_2020

Etxepare Euskal Institutuak bere xedeen artean du jatorriz euskaraz idatzitako literatura nazioartean sustatzea. Xede horretan aurrera egin ahal izateko ezinbesteko dira atzerriko hizkuntzetara itzultitako laginak izatea. Hori dela eta, 2020an atzerrian sustatzeko aproposak izan daitezkeen literatura lanen laginak proposatzeko deialdi hau kaleratu du, aipatutako lagin horiek atzerriko hizkuntzetara itzul daitezen.

OINARRIAK

1. Xedea

Deialdi honen xedea da jatorriz euskaraz idatzi eta argitaratutako literatura-obren laginak atzerriko hizkuntzetara itzultzeko proposatzea, obra horiek nazioartean sustatzeko xede nagusiarekin bat.

Aipatutako laginak ingelesera edo frantsesera itzuli beharko dira eta ez dira izango liburuaren %15 baino luzeagoak.

2. Proposamenak aurkeztea

Idazleek, argitaletxeek edo agenteek aurkeztu ahal izango dituzte proposamenak.

3. Baliabide ekonomikoak

Etxepare Euskal Institutuak gehienez ere 8.000 euro bideratuko ditu proposatutako laginak itzultzera.

Gehienez ere 400 euro bideratuko dira itzulpen bakoitzera eta gehieneko tarifa 0,012 eurokoa izango da karaktereko (zuriunerik gabe, jatorrizkoan zenbatuta).

Idazle baten bi lagin itzuli ahal izango dira gehienez deialdi honen bidez, argitaletxe edo editore batek lau lagin aurkeztu ahal izango ditu gehienez eta itzultzaile batek lau lagin itzuli ahal izango ditu gehienez.

4. Literatura-lanak bete beharreko baldintzak

- Jatorriz euskaraz idatzi eta argitaratutakoa izan behar du.
- Lanaren egileak gutxienez 2 lan literario izan beharko ditu argitaratuta eta horietako bat gutxienez gaztelaniara itzuli eta argitaratuta.

5. Proposamenak aurkezteko epea eta modua

a) Proposamenak aurkezteko epea 2020ko ekainaren 4ean zabalduko da eta diru-zuzkidura amaitzen denean amaituko da. Epe horren amaiera Etxepare Euskal Institutuaren webgunean jakinaraziko da.

b) Eskabidea posta elektronikoz bidali beharko da etxepare@etxepare.eus helbidera, honako dokumentazioarekin batera.

1.- Eskaera-orria

2. Hautatutako lagina.

3. Itzulpena egiteko proposatutako itzultzailearen CVA.

4. Eskatzailea idazlea bera ez bada, idazlearen baimen sinatua ere aurkeztu beharko da.

c) Proposamenak aztertu ondoren, 5 laneguneko epea izango da proposamenak izan ditzakeen akatsak zuzentzeko.

d) Proposamenak osatutzat jotako hurrenkeran zerrendatuko dira eta itzultzeko prozesuari emango zaio hasiera.

6. Laginak itzultzeko prozesua

Proposamenak osatutzat jotakoan, Etxepare Euskal Institutua jarriko da harremanetan proposatutako itzultzailearekin eta proposamena aurkeztu duenarekin itzulpena egiteko epea adosteko. Epe hori ez da inoiz izango 2 hilabete baino gehiagokoa.

Laginaren itzulpena amaitutakoan, itzultzaileak lanari dagokion faktura eta itzulpena aurkeztuko dizkio Etxepare Euskal Institutuari eta institutuak gehienez ere hilabeteko epean ordainduko du.

7. Lagina erabiltzeko baimena

Deialdian parte hartzeak esan nahiko du egileak baimena ematen diola Etxepare Euskal Institutuari deialdi honen bidez itzulitako lagina erabiltzeko nazioartean euskal literatura sustatzeko zereginean. Erabilera hori ez da inoiz izango komertziala. Etxepare Euskal Institutuak konpromisoa hartuko du laginarekin batera idazlearen eta itzultzailearen izena adierazteko.

8. Datuen babesa

Deialdi honen garapenean jaso eta tratatuko diren datu pertsonalak (bereziki pertsona fisikoaren datu pertsonalak) nahitaez egin beharko dira 2016/679 Araudian (EB) jasotakoaren arabera. Araudi horrek pertsona fisikoak babesten ditu datu pertsonalen tratamenduari eta horien zirkulazio askeari dagokionean.

9. Zalantzak eta gorabeherak

Etxepare Euskal Institutuko zuzendaria izango da organo eskuduna deialdi honen inguruan sor daitezkeen zalantzak eta gorabeherak kudeatu eta argitzeko.